

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17) i čl. 70. i 248. Zakona o bankama ("Službene novine Federacije BiH", broj: 27/17), Upravni odbor Agencije za bankarstvo Federacije Bosne i Hercegovine, na sjednici održanoj 13.10.2017. godine donosi

## **ODLUKU O IZJAVI O IMOVINSKOM STANJU**

### Član 1.

Ovom odlukom propisuje se sadržaj Izjave o imovinskom stanju (u daljem tekstu: Izjava) članova nadzornog odbora i uprave banke, koju su oni dužni dostaviti nadzornom odboru banke i Agenciji za bankarstvo Federacije Bosne i Hercegovine (u daljem tekstu: Agencija), kao i način i rokovi dostavljanja Izjave.

### Član 2.

- (1) Članovi nadzornog odbora i uprave banke dužni su popuniti i potpisati Izjavu i dostaviti je Agenciji putem banke.
- (2) Izjava iz člana 1. ove odluke obavezno sadrži podatke o:
  - a) cjelokupnom imovinskom stanju lica iz stava (1) ovog člana i članova uže porodice po pojedinačnoj vrsti imovinskog prava čija tržišna vrijednost prelazi 20.000,00 KM;
  - b) pravnom licu u kojem lica iz stava (1) ovog člana ili članovi njihove uže porodice učestvuju u organima upravljanja ili rukovođenja ili imaju kvalificirano učešće u tom pravnom licu, odnosno imaju direktno ili indirektno ulaganje koje predstavlja 10% ili više kapitala ili glasačkih prava u pravnom licu.
- (3) Pod članom uže porodice se smatra: bračni drug, djeca, braća, sestre, roditelji, usvojlac, usvojenik, drugi izdržavani članovi porodice, kao i druga lica koja žive u zajedničkom porodičnom domaćinstvu sa licima iz stava (1) ovog člana.

### Član 3.

Članovi nadzornog odbora i uprave dužni su, pored podataka iz člana 2. stav (2) ove odluke, prijaviti i svaki drugi direktan ili indirektan interes u pravnom licu sa kojim je banka uspostavila ili namjerava uspostaviti poslovni odnos.

### Član 4.

Ako se podaci u Izjavi promijene, lica koja su dala Izjavu dužna su o toj promjeni obavijestiti nadzorni odbor banke i Agenciju u roku od mjesec dana od dana kada su saznali za promjenu.

### Član 5.

Sadržaj Izjave o imovinskom stanju propisani su u obrascu Izjave koji je sastavni dio ove odluke.

### Član 6.

- (1) Nadzorni odbor banke ažurira i dostavlja Izjave skupštini banke najmanje jednom godišnje, a Agenciji do 31.03. tekuće godine za prethodnu godinu.
- (2) Izjava se dostavlja Agenciji i u roku od 30 dana od dana stupanja na dužnost članova nadzornog odbora i uprave.

Član 7.

Stupanjem na snagu ove odluke, prestaje da važi Odluka o izjavi o imovinskom stanju ("Službene novine Federacije BiH", broj: 3/03).

Član 8.

Ova odluka stupa na snagu osmog dana od dana objavljivanja u „Službenim novinama Federacije BiH“.

**Broj: U.O.-08-26/17**  
**Sarajevo, 13.10.2017. godine**

**PREDSJEDNICA**  
**UPRAVNOG ODBORA**

**mr. sc. Ljerka Marić, dipl.ecc., s.r.**

**IZJAVA**  
**O IMOVINSKOM STANJU**

1. Naziv banke:
  - a) Član nadzornog odbora ili uprave:
  - b) Ime i prezime:
  - c) JMBG za rezidenta ili broj pasoša za nerezidenta:
  - d) Funkcija:
  - e) Datum imenovanja:
  - f) Datum stupanja na dužnost:
  
2. Imena članova uže porodice člana nadzornog odbora ili uprave banke za koje se daju podaci:
  - a) Ime i prezime:
  - b) JMBG za rezidenta ili broj pasoša za nerezidenta:
  - c) Osnov povezanosti:
  
3. Događaj koji obavezuje na podnošenje Izjave (zaokružiti osnov podnošenja Izjave):
  - a) Novoimenovana lica u roku od 30 dana od dana stupanja na dužnost;
  - b) Godišnja ažurirana Izjava najkasnije do 31.03. tekuće godine za prethodnu godinu.
  
4. Navesti kredite ili potraživanja, investicije i ostalu imovinu u posjedu, ako prelaze iznos od 20.000,00 KM ili kvalificirano ili veće učešće ili dionice sa pravom glasa:
  - a) Krediti preko 20.000,00 KM (navesti ime banke koja je odobrila kredit, datum kredita, sadašnji iznos kredita, uslovi kredita – kamatna stopa, kolateral i sl.):
  - b) Potraživanja od banaka (štednja) ili od drugih lica (navesti ime banke ili lica, datum i iznos štednje/zajma, sadašnji iznos, uslovi):
  - c) Investicija preko 20.000,00 KM (navesti da li je vlastita ili zajednička investicija; datum, predmet, vrijednost investicije; izvor sredstava; imena zajedničkih investitora):
  - d) Kvalificirano ili veće učešće u pravnim licima ili dionicama s pravom glasa (navesti naziv pravnog lica; visinu kapitala tog pravnog lica; apsolutni i relativni iznos učešća u tom pravnom licu):
  - e) Pokretna i nepokretna imovina vrijednosti preko 20.000,00 KM:
  - f) Ostala imovina vrijednosti preko 20.000,00 KM:

Pod punom materijalnom i krivičnom odgovornošću izjavljujem da su dati podaci tačni.

Datum podnošenja izjave:

Potpis: